

वै चतुर्थी चितिस्तस्मादाहुर्ब्रह्मणा द्यावापृथिवी विष्टब्धेऽइति स्तोमानुपदधाति
 प्राणा वै स्तोमाः प्राणा उ वै ब्रह्म ब्रह्मैवैतदुपदधाति ॥३॥ यदेव स्तोमानुप-
 दधाति । एतद्वै देवाः प्रजापतिमब्रुवंस्त्वामिहोपदधामहाऽइति तथेति स वै ना-
 ब्रवीत्किं मे ततो भविष्यतीति यदु ह किं च प्रजापतिर्देवेष्ठीषे किमस्माकं त-
 तो भविष्यतीत्येवोचुस्तस्मादु ह्येतद्यत्पिता पुत्रेष्चिह्नते किमस्माकं ततो भविष्य-
 तीत्येवाहुर्न यत्पुत्राः पितरि तथेत्येवाह्वैव ७ हि तदग्रे प्रजापतिश्च देवाश्च सम-
 वदन्त स्तोमानुपदधाति प्राणा वै स्तोमाः प्राणा उ वै प्रजापतिः प्रजापतिमेवैत-
 दुपदधाति ॥४॥ यदेव स्तोमानुपदधाति । ये वै ते प्राणा ऋषय एतां चतुर्थीं
 चितिमपश्यन्ते तऽएतेन रसेनोपायंस्तऽएते तानेवैतदुपदधाति स्तोमानुपदधाति
 प्राणा वै स्तोमाः प्राणा उ वाऽऋषय ऋषीनेवैतदुपदधाति ॥५॥ यदेव स्तोमा-
 नुपदधाति । प्रजापतिं विस्रस्तं देवता आदाय व्युदक्रामंस्तस्य यदूर्ध्वं मध्यादवा-
 चीन ७ शीर्षस्तदस्य वायुरादायोत्क्रम्यातिष्ठदेवताश्च भूत्वा संवत्सररूपपाणि च ॥६॥
 तमब्रवीत् । उप मेहि प्रति मऽएतद्वेहि येन मे त्वमुदक्रमीरिति किं मे ततो
 भविष्यतीति तदेवत्यमेव मऽएतदात्मनो भविष्यतीति तथेति तदस्मिन्नेतद्वायुः
 प्रत्यदधात् ॥७॥ तद्या एता अष्टादश प्रथमाः । एतदस्य तदात्मनस्तद्यदेता अ-
 त्रोपदधाति यदेवास्यैता आत्मनस्तदस्मिन्नेतत्प्रतिदधाति तस्मादेता अत्रोपदधाति
 स्तोमानुपदधाति प्राणा वै स्तोमाः प्राणा उ वै वायुर्वायुमेवैतदुपदधाति ॥८॥
 स पुरस्तादुपदधाति । आशुस्त्रिवृदिति य एव त्रिवृत्स्तोमस्तं तदुपदधाति तद्यत्त-
 माहाशुरित्येष हि स्तोमानामाशिष्ठोऽथो वायुर्वाऽआशुस्त्रिवृत्स एषु त्रिषु लो-
 केषु वर्तते तद्यत्तमाहाशुरित्येष हि सर्वेषां भूतानामाशिष्ठो वायुर्ह भूत्वा पुर-
 स्तात्तस्थौ तदेव तद्रूपमुपदधाति ॥९॥ भान्तः पञ्चदश इति । य एव पञ्चदश
 स्तोमस्तं तदुपदधाति तद्यत्तमाहु भान्त इति वज्रो वै भान्तो वज्रः पञ्चदशोऽथो